

Bosna i Hercegovina  
Federacija Bosne i Hercegovine  
**Hercegovačko-neretvanska županija**  
**SKUPŠTINA**  
**Broj: 02-01-VII-162/15**  
**Mostar, 29.05.2015. godine**

**IZVOD IZ ZAPISNIKA**  
**Sa sedme (VII) sjednice Skupštine**  
**Hercegovačko-neretvanske županije**

Sjednica je održana dana 29.05.2015. godine u dvorani Skupštine Hercegovačko-neretvanske županije u Mostaru s početkom rada u 10:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanske županije i pozdravio nazočne.

Tajnik Skupštine, Željka Čule obavila je prozivku.

**Nazočni:** Mara Anđelić, Slađan Bevanda, Boris Bošnjak, Ilija Cvitanović, Osman Ćatić, Mesud Džajić, Luka Faletar, Osman Macić, Andrea Martinović, Tomislav Martinović, Zijat Mušić, Davor Pehar, Đuro Prkačin, Dario Pušić, Ivona Raguž, Zoran Raič, Vesna Saradžić, Amir Šelo, Ajman Šoše, Šerif Špago, Ana-Marija Tadić-Jakovljević, Drago Tule, Adnan Velagić, Amer Zagorčić, Aner Žuljević.

Sjednici je nazočan Ramiz Fajić kojemu treba biti verificiran mandat zastupnika u Skupštini HNŽ/K.

**Izočni:** Anel Kljako, Ante Pavličević, Elmir Šator.

Konstatirano je da je na sjednici nazočno 27 zastupnika, te da postoji kvorum za rad i punovažno odlučivanje.

**Nazočni po pozivu:** predstavnici Vlade, predstavnici međunarodnih organizacija i predstavnici sredstava javnog informiranja.

Predsjedavajući Skupštine je izvjestio nazočne da će se prezentirati izrada web stranice i izrada idejnog projekta renoviranja zgrade Skupštine HNŽ/K.

Predstavnik tvrtke „Toro“ iz Mostara prezentirao je web stranicu i pojasnio zastupnicima kako će se služiti web stranicom.

Nedžad Ćupina, u ime firme Projektni biro „Stari grad“ je prezentirao idejni projekt dogradnju i adaptaciju zgrade Skupštine HNŽ/K.

Predsjedavajući se zahvalio sudionicima u spomenutim prezentacijama.

Usljedi je rasprava oko utvrđivanja dnevnog reda sjednice Skupštine HNŽ/K.

Predsjedavajući Skupštine izvjestio je zastupnike da je Prijedlog dnevnog reda dostavljen u materijalima:

1. **Verifikacija mandata zastupnika;**
2. **Zastupnička pitanja;**
3. **Prijedlog Zakona o izmjenama i dopunama Zakona o sudskim pristojbama s tarifom (utvrđen po hitnom postupku);**
4. **Prijedlog Zakona o trgovini HNŽ/K (utvrđen po skraćenom postupku);**
5. **Prijedlog Zakona o tržišnoj inspekciji u HNŽ/K (utvrđen po skraćenom postupku);**
6. **Autentično tumačenje zakonske odredbe članka 134. Zakona o visokom obrazovanju HNŽ/K;**

- 7. Izvješće o radu Županijskog-Kantonalnog javnog pravobraniteljstva HNŽ/K za 2014. godinu;**
- 8. Izvješće o radu Županijskog-Kantonalnog suda u Mostaru za 2014. godinu.**

Otvorena je rasprava.

Ajman Šoše u ime Kluba poslanika Bošnjaka u Skupštini HNŽ/K je predložio dopunu dnevnog reda: točka 6. da bude pod a) Prijedlog Odluke o dopuni Odluke o prijenosu na Vladu HNŽ/K vršenja osnivačkih prava nad Univerzitetom „Džemal Bijedić“ u Mostaru, pod b) Prijedlog Odluke o dopuni Odluke o prijenosu na Vladu HNŽ/K vršenja suosnivačkih prava nad Sveučilištem u Mostaru. Obrazloženje je u prilogu ove odluke, mi ćemo je dostaviti, a da točke 6, 7 i 8 predloženog dnevnog reda budu točke 7, 8 i 9.

Tomislav Martinović je predložio da se dnevni red dopuni sa dvije točke. Jedna se odnosi na zaključak vezan o javnom pozivu Federalnog zavoda za zapošljavanje, a odnosi se na prijem pripravnika u 2015. godini. Druga točka se odnosi na zaključak kojeg bi donijela ova Skupština, a tiče se pokretanja procedure prema Vladi F BiH i Parlamentu F BiH o donošenju Zakona o otpisu dugova zdravstvenih ustanova u javnom vlasništvu.

U raspravi su još sudjelovali: Ilija Cvitanović, Amer Zagorčić, Adnan Velagić.

Predsjedavajući Skupštine HNŽ/K u ime kolegija predložio je zaključak za reguliranje putnih troškova za profesionalne zastupnike prilikom dolaska i odlaska od mjesta stanovanja do mjesta sjedišta Županije.

Uslijedila je stanka od 20 minuta radi usuglašavanja dnevnog reda.

Nakon stanke zastupnik Osman Macić je izvijestio nazočne da će zastupnici iz stranke SBB a napustiti sjednicu.

Tri zastupnika iz stranke SBB-a su napustila sjednicu.

Predsjedavajući je stavio na glasovanje prijedlog Ajmana Šoše o uvrštavanju u prijedlog dnevnog reda i to da 7. tačka bude, znači 6. tačka ostaje Autentično tumačenje zakonske odredbe člana 134. Zakona o visokom obrazovanju HNK, a 7. tačka da bude prijedlog odluka: pod a) Prijedlog Odluke o dopuni Odluke o prijenosu na Vladu HNK-a vršenja osnivačkih prava nad Univerzitetom „Džemal Bijedić“ u Mostaru, pod b) Prijedlog Odluke o dopuni Odluke o prijenosu na Vladu HNK-a vršenja suosnivačkih prava nad Sveučilištem u Mostaru.

Obavljeno je glasovanje.

Nakon glasovanja konstatirano je da je većinom glasova uz 20 glasova za, 4 protiv i 2 suzdržana glasa prihvaćen prijedlog.

Obavljeno je glasovanje o prijedlogu dopune dnevnog reda Tomislava Martinovića:

Zaključak o zaduženju Vladi za apliciranje na javni poziv Federalnog zavoda za zapošljavanje.

Obavljeno je glasovanje.

Nakon glasovanja konstatirano je da je prijedlog jednoglasno prihvaćen.

Obavljeno je glasovanje o prijedlogu da 11. tačka bude Zaključak o pokretanju inicijative prema Vladi F BiH i Parlamentu F BiH za donošenje Zakona o otplati dugova zdravstvenim ustanovama u javnom vlasništvu.

Nakon glasovanja konstatirano je da prijedlog jednoglasno prihvaćen.

Obavljeno je glasovanje o prijedloga kolegija kao 12.točka dnevnog reda: Zaključak o načinu obračuna naknada za prijevoz profesionalnim zastupnicima.

Nakon glasovanja konstatirano je da je prijedlog jednoglasno prihvaćen.

Obavljeno je glasovanje o predloženom dnevnom redu sa prihvaćenim dopunama.

Nakon glasovanja konstatirano je da je većinom glasova uz 20 za i 5 suzdržanih glasova usvojen slijedeći:

## Dnevni red

1. Verifikacija mandata poslanika;
2. Zastupnička pitanja;
3. Prijedlog Zakona o izmjenama i dopunama Zakona o sudskim pristojbama s tarifom (utvrđen po hitnom postupku);
4. Nacrt Zakona o trgovini HNŽ/K;
5. Prijedlog Zakona o tržišnoj inspekciji u HNŽ/K (utvrđen po skraćenom postupku);
6. Autentično tumačenje zakonske odredbe članka 134. Zakona o visokom obrazovanju HNŽ/K;
7. pod a), Prijedlog Odluke o dopuni Odluke o prijenosu na Vladu HNŽ/K-a vršenja osnivačkih prava nad Univerzitetom „Džemal Bijedić“ u Mostaru, pod b), Prijedlog Odluke o dopuni Odluke o vršenju suosnivačkih prava nad Sveučilištem u Mostaru;
8. Izvještaj o radu Županijskog javnog pravobraniteljstva HNŽ/K za 2014. godinu;
9. Izvještaj o radu Županijskog suda u Mostaru za 2014. godinu;
10. Zaključak o zaduženju Vladi za apliciranje na javni poziv Federalnog zavoda za zapošljavanje;
11. Zaključak o pokretanju inicijative prema Vladi F BiH i Parlamentu F BiH za donošenje Zakona o otplati dugova zdravstvenim ustanovama u javnom vlasništvu;
12. Zaključak o načinu obračuna naknada za prijevoz profesionalnim zastupnicima.

### AD1. Verifikacija mandata zastupnika

Predsjedavajući Šerif Špago upoznao je nazočne da je zastupnica Elvira Dilberović izabrana za ministricu u Vladi FBiH. Središnje izborno povjerenstvo BiH dodijelilo je mandat sljedećem zastupniku na listi SDA, te je pročitao Odluku o verifikaciji mandata zastupnika u Skupštini HNŽ/K.

Članak 1, verificira se mandat sljedećem zastupniku u Skupštini HNŽ/K, i to Fajić Ramizu, SDA.

Članak 2, ova Odluka stupa na snagu danom donošenja, a objavit će se u Službenim novinama HNŽ/K.

Obavljeno je glasovanje.

Nakon glasovanja konstatirano je da je Odluka jednoglasno usvojena.

Ramiz Fajić je pročitao tekst svečane izjave.

Predsjedavajući u ime svih zastupnika čestitao je zastupniku Fajiću i poželio mu uspješan rad.

### AD2. Zastupnička pitanja

#### Luka Faletar

Sve vas skupa pozdravljam ovdje. I želim samo da postavim dva zastupnička pitanja. Prvo pitanje, koje upućujem rukovodstvu Skupštine HNŽ-a i ministru ministarstva poljoprivrede, šumarstva i vodoprivrede, a odnosi se, naime, poznato nam je da je Ustavni sud F BiH za oduku koja se odnosi na podjelu lovišta u Prozor-Rami presudio da nije ispoštovana procedura tijekom donošenja iste, pa postavljam pitanje –kad će se na dnevnom redu sjednice Skupštine ponovo naći točka dnevnog reda, i da se ispoštuje procedura i da se sve vrati u okvire zakona? To je jedno pitanje.

I drugo pitanje, mislim da se ovo pitanje od kolega zastupnika i prije možda ponavljalo, ali ću ga ja ponovo kazati, zastupničko pitanje isto upućujem Vladi i ministarstvu poljoprivrede, vodoprivrede i šumarstva HNŽ-a, kad će Vlada uputiti u skupštinsku proceduru zakon o šumarstvu? Nekontrolirano i nezakonito iskorištavanje i sjeća šuma kao i nebriga za obnovu šuma doveli su do toga da je stanje u ovoj oblasti zabrinjavajuće, a često uzrokuje i teže posljedice, vidimo ove poplave i vidimo klizišta, itd. Zbog bezakonja koje sada vlada nužno je što prije donošenje ovakvog zakona o šumama. To su moja dva pitanja. Hvala lijepa.

### **Osman Ćatić**

Pozdravljam sve prisutne. Kolegi Fajiću čestitam na izboru i verifikaciji mandata. I zajedno sa kolegom Fajićem malo smo jeli imali određenih diskusija na Zakon o tržišnoj inspekciji HNK-a i vidjeli smo kolika je to problematika, da na nivou kantona nemamo kantonalnu upravu za inspekcijske poslove. U vezi s tim pokrećemo znači inicijativu za formiranjem Kantonalne uprave za inspekcijske poslove HNK-a.

Dalje, poslaničko pitanje, koji iznosi se na godišnjem nivou isplaćuju za najam prostora u kojima se nalaze organi vlasti u HNK-a, i kome? Ovo pitanje poslaničko upućujem ministarstvu finansija.

Također još, ne znam pošto na dnevnom redu nisam vidio izvod iz zapisnika imao bi samo neku primjedbu?

### **Zlatko Hadžomerović**

Poštovano predsjedništvo, kolege i kolegice i druge prisutni. Dužan sam vas upoznati ovdje tragom ove inicijative za regulisanje prijevoza. Naime, mi imamo u kantonu inače puno budžetskih korisnika koji koriste onaj famozni CIPS, imaju prebivalište prijavljeno u jednom gradu, a naplaćuju prijevoz gdje žive u drugom gradu. Mislim da su tu ogromne uštede, mogle bi se napraviti ogromne uštede, i ovo je sitnica za broj uposlenika koje mi imamo u kantonalnim i drugim institucijama koji naplaćuju prijevoz. Mi imamo uposlenika koji žive u Sarajevu, a rade u Čapljini, u školi radi, mi mu tu ne možemo ništa jer mu je zakon to omogućio, da ne govorim o drugim uposlenicima u organima jeli kantonalne uprave.

Dakle, ovdje sam da pokrenem jednu inicijativu, moram vam reći da ovo nije ovaj predizborno vrijeme i to sam i na samom početku, znaju ovdje kolege, pokrenuo inicijativu da Vlada najprije sebi smanji plaću 10%, pa da onda idemo na smanjenje svim ostalim korisnicima po 5%, da bi uštedjeli novac u Budžetu za druge potrebe. Dakle, inicijativa za izmjene Zakona o pravima izabranih i imenovanih dužnosnika u institucijama vlasti HNK-a. Na osnovu člana 104 Poslovnika Skupštine HNK-a pokrećem inicijativu za izmjene Zakona o pravima izabranih i imenovanih dužnosnika u institucijama vlasti HNK-a u amandmanima koji se odnose na primanja imenovanih i izabranih zvaničnika, predlažem da se zaduži Vlada HNK-a da pripremi izmjene navedenog zakona i uputi u skupštinsku proceduru, a s ciljem da se izmjenama smanje plaće i druge naknade koje imaju izabrani i imenovani dužnosnici u iznosu od 10%. Hvala lijepo.

### **Amer Zagorčić**

Hvala. Uvaženi predsjedniče, poštovani zastupnici. Dakle, dobio sam odgovor na pitanje koje sam postavio o turističkim zajednicama, i djelomično sam zadovoljan. Zakon je propisao dakle da i mi kao kanton imamo predstavnike u turističkim zajednicama, ja sam tražio da mi se dostave izvještaji o radu i finansijski izvještaj za 2013. i 2014. godinu, međutim to još nisam dobio u ovom odgovoru, te ponovo upućujem molbu da mi se to dostavi, i ukoliko se ne dostavi u razumnom roku molio bi Skupštinu da na jednoj od narednih sjednica imamo tačku dnevnog reda o stanju u turizmu i turističkim zajednicama, i Turističkoj zajednici HNK-a.

Moje drugo pitanje je vezano za Apoteke Stari Grad u Mostaru, oni koji ne znaju dakle Grad Mostar je donio 2011. godine odluku o formiranju jedinstvenog gradskog preduzeća koje bi se zvalo Apoteke-Ljekarne Grada Mostara, i to je doneseno u junu 2011. godine, a predmet spajanja je bila kompletna zdravstvena ustanova Apoteke Stari Grad i Ljekarne Mostar. Ono što bih još želio reći, dakle i upoznati zastupnike, je sljedeće, Gradsko vijeće je dakle tu odluku donijelo 16.06.2011. godine i donijelo je rješenje o imenovanju privremenog upravnog odbora sa mandatom od 60 dana, koje je stupilo na snagu tek godinu dana kasnije. Upravni odbor je bio dužan donijeti novi statut, i na sjednici 22.05.2012. godine, dakle Gradsko vijeće u Mostaru još funkcioniše, upravni odbor je usvojio statut Gradske Ljekarne, i tim statutom je propisano da statut zdravstvene ustanove podliježe obaveznoj saglasnosti osnivača. Obzirom da nije postojala politička saglasnost da se razmatra statut Gradske Ljekarne-Apoteke Mostar odvojeno od razmatranja izmjena i dopuna statuta Centra za stara i iznemogla lica-osobe Mostar, to nije ni data neophodna saglasnost osnivača na statut Gradske Ljekarne-Apoteke Mostar. Gradonačelnik 18.04.2012. godine je imenovao privremenog direktora Ustanove Gradska Ljekarna-Apoteka Mostar sa mandatom od 6 mjeseci, u kom roku je imao zadatak da izvrši upis nove ustanove u registar nadležnog suda. Međutim,

da bi se to uradilo Gradsko vijeće mu je moralo dati saglasnost na statut i imenovati upravni odbor. Obzirom da to Gradsko vijeće nije učinilo, da je u međuvremenu prestalo sa svojim radom, a preduzeće je zapalo u probleme, i u ovom momentu je pokrenut stečajni postupak, i obzirom da Gradsko vijeće ne postoji ni danas, kanton je to već prije činio za određene stvari, ja bih predložio sljedeće, da za narednu sjednicu Ministarstvo zdravstva HNK-a pripremi cjelovitu informaciju o stanju u Apotekama Stari Grad u Mostaru, tu se radi o 5 apoteka, u stvari o 5 poslovnica i sa značajnim brojem uposlenih. Dakle, da nam pripreme cjelovitu informaciju o stanju u saradnji sa stečajnim upravnikom koji vodi stečaj, nakon toga da nam uz tu informaciju dostavi i sljedeće, da u saradnji sa stečajnim upravnikom i imajući u vidu izradu stečajnog plana stečajni plan bude reorganizacijski, a da Zavod zdravstvenog osiguranja HNK-a da garancije i preuzme dug do osnivanja, to jest do profunkcionisanja Gradskog vijeća u Mostaru, kada bi se tim dugom opteretilo ovo novo preduzeće Gradske Apoteke/Ljekarne Mostar, a u cilju spašavanja ovog preduzeća Apoteke Stari Grad u Mostaru. Dakle, da pripremi nam za sljedeću skupštinu ovlaštenje Zavodu zdravstvenog osiguranja obzirom da i po odluci o osnivanju Gradske Apoteke/Ljekarne Mostar, Apoteka Stari Grad u Mostaru je potpisala ugovor sa Zavodom zdravstvenog osiguranja između ostalih o sufinansiranju dakle toga. Ono što bih zamolio je dakle da se ove stvari poduzimaju hitno od strane Ministarstva zdravstva HNK-a i da se dostavi Skupštini i odgovor na ovu inicijativu i šta se tu može uraditi, te bih molio da Skupština ne čeka sjednicu iduću nego da čim dođe odgovor iz Ministarstva zdravstva HNK-a da mi se dostavi, jer ovdje je vrijeme novac, ljudi su bez plata, nema nikakvog razloga, niču privatne apoteke ko gljive poslije kiše, a propadne nam državna apoteka zbog toga što se je tamo neko bavio kriminalnim radnjama i što je doveo Apoteke Stari Grad Mostar u situaciju da su dužne ne znam ni ja milijon i nešto KM. Ma, imamo načina, samo je pitanje imamo li volje i hoćemo li. Hvala.

#### **Amer Zagorčić**

Znači pisano ću dostaviti sad. Dakle, Ministarstvo zdravstva HNK-a da da izvještaj, informaciju i plan kako da pomognemo Apotekama Stari Grad u Mostaru.

#### **Adnan Velagić**

Još jednom pozdrav za predsjedništvo i za sve prisutne. Ovo je vrijeme kada Univerzitet i Sveučilište raspisuju konkurse za upis studenata, uglavnom do sada je bila praksa bar, mislim da je tako i na Sveučilištu, da se senat dogovori, raspišu se konkursi kako ko izlobira unutar senata, a onda se Vlada i Skupština nakon toga apsolutno ne informišu ili nemamo pojma na koji način i kako je izvršena ta upisna politika. I ja dajem inicijativu, da na sljedećoj sjednici obavezno kao tačka dnevnog reda bude izvještaj ministra obrazovanja o upisnoj politici Univerziteta i Sveučilišta, sa jasnim obrazloženjima kakve kadrove potražuju ove dvije visokoškolske ustanove, dali su ti kadrovi u skladu sa potrebama tržišta rada, dali su ti kadrovi u skladu sa interesima naroda koji žive na prostoru HNK-a i slično, te da se o istoj inicijativi izjasne zastupnici. Mislim da je ovo pitanje prevažno za naš kanton zbog toga što imamo dvije visokoškolske ustanove i način na koji ćemo kreirati upisnu politiku odredit će nas dali će Mostar biti univerzitetski grad ili će biti grad iz kojeg mladi ljudi odlaze da studiraju u Sarajevo ili Zagreb, ili ne znam gdje. Mislim da ovdje trebamo ponuditi mladim ljudima ono što traži tržište, i moje inicijativa ide u tom pravcu, znači da ministar obrazovanja na sljedećoj sjednici neizostavno, jer vrijeme je upisne politike, podnese ovaj izvještaj o upisnoj politici Univerziteta i Sveučilišta, naravno u pisanoj formi, da svi dobijemo. To ću dostaviti u pisanoj formi ovdje.

Druga inicijativa, ustvari pitanje za ministarstvo zdravstva. Naime, u Općini Konjic ne postoji već duže vrijeme dežurna apoteka, i ponukan sam slučajem nedavno, znači u neka doba jednoj gospođi, tu je bio i njen vjerovato suprug, u 11 noći pozlilo je naime toj gospođi, i oni nisu znali gdje da se obrate, ni jedna apoteka nije radila, tako da su mene sreli sa suprugom, i onda smo morali i zvoniti na vrata privatnom licu koje drži apoteku da otvori apoteku, da dadne neki lijek, itd. Znači moje pitanje ide u tom pravcu, zbog čega nema dežurne apoteke u Općini Konjic? Eto, hvala lijepa.

## **Ilija Cvitanović**

Dakle, ja imam pro jednu vrlo ozbiljnu primjedbu, zamjerku, kritiku, ne znam kako bi već to nazvao, prema kolegiju Skupštine. Naime, radi se o, a uvijek je to tako vjerojatno praksa bila, o jednom vrlo podcjenjivačkom odnosu prema nama zastupnicima, dakle dobili smo dnevni red od 6 ili 7 točaka dnevnog reda, da bismo danas izjašnjavali se o nekih 14 točaka, vrlo ozbiljnih točaka, koje zahtijevaju pripremu da bi se o njima moglo kvalitetno raspravljati. Dakle, evo ja prvi 5 točaka zadnjih ne znam uopće o čemu se radi, o čemu ćemo raspravljati. Dakle, te nekakve dogovore dogovorite 7 dana prije skupštine i pošaljite nam dnevni red na vrijeme, tako da bismo se i mi zastupnici, a prvenstveno mi iz oporbe mogli kvalitetno pripremiti za rasprave u skupštinskim klupama. To je zamjerka. Sad ide jedno pitanje. Dakle, zadnju skupštinu smo održali prije dva mjeseca, na kojoj smo usvojili županijski proračun, i na kojoj smo imali vrlo vrlo burnu raspravu, koju nam je izazvao amandman rukovodstva Skupštine. I tada u sklopu tog amandmana rukovodstvo Skupštine je vrlo jasno i eksplicitno reklo da će se nova Vlada i rebalans Proračuna naći na skupštinskim klupama u naredna dva mjeseca, pa postavljam pitanje rukovodstvu Skupštine –ima li nove Vlade i ima li rebalansa Proračuna, jer je već prošlo dva mjeseca?

A imam i pitanje za ministra unutarnjih poslova, vezano za suspenzije koje se događaju u ministarstvu unutarnjih poslova proteklih dana, po kojem kriteriju, na koji način, i zbog čega, i također u koja smo doba i jeli prema Vladi HNŽ-a upućen prijedlog sastava odbora za rješavanje žalbi uposlenika ministarstva unutarnjih poslova, jer smo u protekle dvije sjednice imali raspravu po tom pitanju oko ljudi koji nisu uspjeli ostvariti svoja prava?

I imam još jednu inicijativu, nije pitanje. Dakle, radi se, znam da nije naša nadležnost, ali mi koji se bavimo ozbiljno politikom i koji svaki dan susrećemo ljude koji imaju svoje privatne probleme, imamo pravo i s ove skupštinske govornice uputiti inicijativu i prijedlog našoj Vladi koja će naći adresu, a adresa je Komisija za vrijednosne papire, da ide sa inicijativom i prijedlogom. Naime, radi se o prijedlogu produženja roka za korištenje neiskorištenih certifikata za neisplaćene vojne plaće, produžetak bi bio do 2017., a radi se o plaćama koje su ostvarili branitelji koji su sudjelovali u ratu u HVO-u i Armiji BiH. Naime, taj rok istječe 30.06.2015. godine i predlažem da se vlada ili ministarstvo koje je najbliže toj oblasti obrati Komisiji za vrijednosne papire F BiH s tim prijedlogom. I da se u taj prijedlog stavi dopuna, da se ti certifikati ne koriste samo za otkupljivanje, za otkup stanova već da im se da šira djelatnost, šira mogućnost otkupa, jer ti su ljudi zaslužili da te certifikate mogu koristiti i za plaćanje legalizacije objekata. Naime, u većini općina je donesena odluka da se ti objekti legaliziraju i da se uvrsti u mogućnost plaćanje certifikatima i legalizacija takvih objekata. Ponavljam, da rok za iskorištavanje tih certifikata istječe 30.06., a radi se o 30% ukupnog broja certifikata koje su ostvarili pripadnici HVO-a i Armije BiH na osnovu neisplaćenih plaća u proteklom ratu. I nema više sada ništa. Hvala.

## **Elmir Šator**

Poštovani predsjedniče, kolege poslanici, i ostali. Ja ću vrlo kratko, nešto što je u pitanju ustvari iz moje prakse direktne, ali je pitanje daleko ozbiljnije nego što će možda izgledat. Znači kakve su mogućnosti da osobe sa psihičkim poremećajima koji su iz različitih razloga izgubili status zdravstvenih osiguranika, taj isti povrate, uzimajući i u obzir sepecifičnost oboljenja od kojih boluju, i također specifičnost njihovog psihosocijalnog položaja, obzirom da ih postoji izuzetno veliki broj koji su isti izgubili iz različitih razloga, ne javivši se na biro rada. Ovo je pitanje značajno i sa bezbjedonosnog stajališta, uzimajući u obzir velike redove pred psihijatrijskim ambulantom i prepunjene psihijatrijske odjele na području našeg kantona. Inače se pitanje odnosi na Kantonalno ministarstvo zdravstva, rada i socijalne skrbi, Kantonalni zavod zdravstvenog osiguranja, i Zavod za zapošljavanje.

Amir Šelo

Poštovani članovi kolegija Skupštine, poštovane kolege, gosti, predstavnici medija. Prvo bih evo u svoje lično ime želio čestitati kolegi Fajiću na osvojenom mandatu i poželio bih mu dobrodošlicu po prvi put sa ove govornice.

Ja imam jednu inicijativu, odnosno prijedlog prema kolegiju Skupštine, pošto po prvi put evo danas imamo dva ozbiljna zakonska rješenja na dnevnom redu Skupštine, prijedlog zakona, ustvari Nacrt Zakona o trgovini i Prijedlog Zakona o sudskim tarifama HNK-a, da ubuduće prije nego što ti zakoni dođu

na dnevni red Skupštine da se o njima očituje neka od nadležnih skupštinskih komisija, što je čak evo u skladu i sa odredbom člana 21 Poslovnika Skupštine, koji znači kaže da se znači radna tijela osnivaju isključivo za razmatranje pitanja iz nadležnosti Skupštine za razmatranje i davanje mišljenja i prijedloga na nacрте i prijedloge zakona i drugih akata koje Skupština donosi. Ja bih volio lično da smo ovdje danas imali znači na ova tri zakonska rješenja mišljenje komisije za finansije, budžet i ekonomsku politiku.

### **Amir Šelo**

Pa mišljenje predsjedavajući, mislim da kad su ta zakonska rješenja u vladi da na njih znači daju mišljenja, mislim šta fali evo kad mi poslanici dobijemo volio bi da dobijemo znači i mišljenje nadležne skupštinske komisije. Mi smo o tome i pričali na komsiji za ustav, znači da zakoni kad dođu u Skupštinu da se daju nama u skupštinske komisije da vidimo, da znači damo, vjerojatno bi tako i kolegiju Skupštine bilo lakše.

### **Amir Šelo**

Pa ništa, evo to je moja inicijativa prema kolegiju Skupštine, volio bih znači da ubuduće uz zakon imamo i mišljenja od nadležnih skupštinskih komisija. Ništa više, predsjedavajući.

### **Andrea Martinović-Pehar**

Poštovano radno predsjedništvo, uvažene kolegice i kolege, ministri u Vladi HNŽ-a, dragi gosti, predstavnici medija, sve vas najsrdačnije pozdravljam. Moje pitanje upućeno je ministarstvu prosvjete, znanosti, kulture i športa, a ono glasi: koliki je broj učenika u osnovnim i srednjim školama u ovoj školskoj godini koje rade po hrvatskom nastavnom planu i programu, te koliki je broj angažiranog nastavnog osoblja, učitelja i nastavnika u tim školama, te koliki je broj učenika u osnovnim i srednjim školama u ovoj školskoj godini koje rade po bosanskom planu i programu? Molim da mi se tražene informacije dostave u pisanom obliku. Hvala.

### **Ana-Marija Tadić-Jakovljević**

Ja bih pozdravila sve prisutne. Ovo moje poslaničko pitanje stiže iz Jablanice, znači općinski odbor u Jablanici me je zamolio da ovaj njihov problem iznesem, znači oni traže i mi zajedno s njima, da Vlada za narednu sjednicu dostavi detaljnu analizu stanja firme, znači radi se o „Granitu“, da se premjesti sudski registar i ostala dokumentacija iz Sarajeva u Mostar, iz razloga što je kanton vlasnik znači te firme, nije Sarajevo, da bi bili u mogućnosti, kako bi imenovali stečajnog upravnika, i da u što hitnijem roku mogu rješavati probleme koji su se nagomilali za ovo cijelo vrijeme. Hvala vam.

### **Ajman Šoše**

Cijenjene kolege i kolegice zastupnici. Ja imam jednu inicijativu u ime Kluba poslanika Bošnjaka, s obzirom da je članom 19 Poslovnika o radu nezavisnog odbora za izbor i reviziju utvrđena obaveza da Skupštini dva puta u toku godine dostavi izvještaj o svom radu, a s obzirom da smo i mi u okviru Programa rada Skupštine predvidjeli razmatranje takvog izvještaja, i s obzirom da nije nezavisni odbor za izbor i reviziju za 2013. i 2014. godinu dostavljao uopće izvještaj Skupštini, znači inicijativa glasi, da nezavisni odbor za izbor i reviziju dostavi izvještaj o radu do naredne sjednice Skupštine, na kojoj bi se isti i razmatrao. Hvala lijepa.

A za pauzu, naravno sugerišem da zbog džume -namaza se odredi malo duža pauza, negdje do 2 sata.

### **Vesna Saradžić**

Zahvaljujem predsjedavajući. Pozdravljam sve prisutne. Pa evo, ja bih samo istakla da je prije nekoliko dana ovdje u Skupštini konstituisana komisija za utvrđivanje istovjetnosti tekstova na jezicima konstitutivnih naroda. S obzirom da znamo da je primarna zadaća komisije upravo to utvrđivanje istovjetnosti tekstova na tri jezička standarda, ja ovim putem upućujem inicijativu prema Vladi HNK-a, da materijale koje upućuje prema Skupštini upućuje na tri jezička standarda, i s obzirom da je postalo napisano pravilo da su pravopisni tekstovi uglavnom nesređeni, i da to bude uz obavezan potpis lektora. I druga inicijativa, da se Službene novine upućuju, odnosno objavljuju na tri jezička standarda. Hvala.

Uslijedila je stanka do 60 minuta.

### **AD3. Prijedlog Zakona o izmjenama i dopunama Zakona o sudskim pristojbama s tarifom (utvrđen po hitnom postupku)**

Predsjedavajući je izvijestio da je prijedlog zakona dostavljen u materijale.

U ime predlagatelja obrazloženje je dao Džemil Boškailo, predstavnik Ministarstva pravosuđa, uprave i lokalne samouprave HNŽ/K.

Tomislav Martinović, predsjedavajući Povjerenstva za zakonodavno-pravna pitanja u Skupštini HNŽ/K je izvijestio nazočne da je Povjerenstvo utvrdilo da postoji ustavni osnov za donošenje Zakona o izmjenama i dopunama Zakona o sudskim pristojbama s tarifom, a u svezi Presude Ustavnog suda koja je obvezujuća.

Otvorena je rasprava.

Primjedbi i prijedloga nije bilo.

Obavljeno je glasovanje.

Nakon glasovanja konstatirano je da je Prijedlog Zakona o izmjenama i dopunama Zakona o sudskim pristojbama s tarifom jednoglasno usvojen.

### **AD4. Nacrt Zakona o trgovini HNŽ/K**

Predsjedavajući je izvijestio zastupnike da Nacrt Zakona dostavljen u materijalima.

U ime predlagatelja obrazloženje je dao Nail Kraljušić, pomoćnik ministra za trgovinu, turizam i zaštitu okoliša.

Otvorena je rasprava.

U raspravi su sudjelovali: Boris Bošnjak, Amir Šelo, Amer Zagorčić, Osman Ćatić, Đuro Prkačin, Vesna Saradžić.

Nakon rasprave jednoglasno je prihvaćen slijedeći zaključak:

Prihvata se Nacrt Zakona o trgovini HNŽ/K kao dobra osnova za izradu prijedloga Zakona.

Primjedbe i prijedlozi na Nacrt Zakona iznijete na sjednici Skupštine dostaviti će se Vladi na razmatranje.

### **AD5. Prijedlog Zakona o tržišnoj inspekciji u HNŽ/K (utvrđen po skraćenom postupku)**

Predsjedavajući je izvijestio zastupnike da je Prijedlog Zakona dostavljen u materijale.

U ime predlagatelja obrazloženje je dala Vesna Krešić, predstavnica Ministarstva trgovine, turizma i zaštite okoliša.

Tomislav Martinović, predsjedavajući Povjerenstva za zakonodavno-pravna pitanja u Skupštini HNŽ/K je izvijestio nazočne da je Povjerenstvo utvrdilo da postoji ustavni i pravni osnov za njegovo donošenje te Povjerenstvo predlaže da Skupština da potporu Prijedloga Zakonu o tržišnoj inspekciji u HNŽ/K.

Otvorena je rasprava.

U raspravi su sudjelovali: Amir Šelo, Đuro Prkačin, Osman Ćatić, Zijat Mušić, ministar Semin Borić.

Predsjedavajući Šerif Špago je podsjetio nazočne da nema uloženi amandmana izuzev tehničke pogreške u članku 9. u stavku 3. Da se poslije riječi: „turizma i zaštite okoliša“ stavi točka, a ostale riječi se brišu.

Obavljeno je glasovanje.

Nakon glasovanja konstatirano je da je prijedlog Zakona o tržišnoj inspekciji HNŽ/K uz usuglašenu tehničku ispravku, jednoglasno usvojen.



Predsjedavajući Skupštine izvijestio je da Kolegij Skupštine predlaže da se točka 6. i točka 7. skinu sa dnevnog reda Skupštine.

Obavljeno je glasovanje.

Jednoglasno je konstatirano da su točke 6. i 7. skinute sa dnevnog reda današnje sjednice Skupštine.

#### **AD8. Izvješće o radu Kantonalnog javnog pravobranilaštva HNK za 2014. godinu**

Obrazloženje je dao Županijski javni pravobranitelj Vlado Bevanda.

Otvorena je rasprava.

Primjedbi i prijedloga nije bilo.

Obavljeno je glasovanje.

Nakon glasovanja konstatirano je da je Izvješće o radu Županijskog/Kantonalnog javnog pravobraniteljstva HNŽ/K za 2014. godinu, jednoglasno usvojen.

#### **AD10. Zaključak o zaduženju Vladi za apliciranje na javni poziv Federalnog zavoda za zapošljavanje**

Obrazloženje je dao ovlaštenu predsjednik Vlade i ministar prometa i veza Stjepan Krasić.

Otvorena je rasprava.

Tomislav Martinović je izvijestio zastupnike da je Kolegij Skupštine predložio da se usvoji Odluka koja glasi:

1. Odobrava se prijava Vlade HNŽ-a na javni poziv za sudjelovanje u programu sufinanciranja zapošljavanja i sufinanciranja stjecanja prvog iskustva 2015. godine, kojeg je raspisao Federalni zavod za zapošljavanje, kao i provedba potrebnih procedura vezanih za prijavu na javni poziv“.

2. Obvezuje se Vlada HNŽ/K da u izmjenama i dopunama Proračuna HNŽ-a za 2015. godinu planira sredstva za realizaciju točke 1. ove odluke.

Otvorena je rasprava.

Primjedbi i prijedloga nije bilo.

Obavljeno je glasovanje.

Nakon glasovanja konstatirano je da je Odluka jednoglasno usvojena.

#### **AD11. Zaključak o pokretanju inicijative prema Vladi F BiH i Parlamentu F BiH za donošenje Zakona o otplati dugova zdravstvenim ustanovama u javnom vlasništvu**

Predsjedavajući Skupštine Šerif Špago je u svoje ime i ime Tomislava Martinovića predložio Inicijativu, a na zahtjev 3 bolnice od Sveučilišne bolnice Mostar, Kantonalne bolnice „dr. Safet Mujić“, i Opšte bolnice Konjic, slijedeći zaključak:

Skupština HNŽ/K pokreće inicijativu da Vlada F BiH i Parlament F BiH utvrde i donesu zakon o otpisu dugova zdravstvenim ustanovama u javnom vlasništvu za neizmirene, a dospjele obaveze.

Otvorena je rasprava.

U raspravi su sudjelovali: Elmir Šator, Osman Ćatić, Davor Pehar, Mara Anđelić, Tomislav Martinović, Luka Faletar.

Obavljeno je glasovanje.

Nakon glasovanja konstatirano je da je zaključak jednoglasno usvojen.

## **AD12. Zaključak o načinu obračuna naknade za prijevoz profesionalnim zastupnicima**

Zamjenica predsjedavajućeg Skupštine Vesna Saradžić je pročitala zaključak koji glasi:

Zastupnici koji su profesionalizirali mandat u Skupštini HNŽ/K, a ostvaruju pravo na naknadu za prijevoz dužni su najkasnije do 5.-og u mjesecu za prethodni mjesec dostaviti izvještaj o radnim danima za koje su koristili prijevoz od mjesta prebivališta/boravka do sjedišta Županije/kantona.

Zaključak stupa na snagu danom donošenja, a objavit će se u Narodnim novinama Hercegovačko-neretvanske županije-kantona.

Otvorena je rasprava.

U raspravi su sudjelovali: Zijat Mušić, Amir Šelo, Ante Pavličević, Đuro Prkačin, Zlatko Hadžiomerović, Tomislav Martinović, Luka Faletar, Aner Žuljević i Davor Pehar.

Prije prelaska na glasovanje, prozivkom je konstatirano da je nazočno 22 zastupnika.

Obavljeno je glasovanje.

Luka Faletar je zatražio glasovanje po prozivci.

Nakon glasovanja po prozivci, konstatirano je da uz 17 glasova za, 7 suzdržanih i 1 glas protiv, Zaključak usvojen.

Sjednica je zaključena u 16:30 sati.

Zapisničari:

Omar Robović

Dario Topić

Predsjedavajući

Šerif Špago